



Broj: 01/1-50-1-1-54/08
Sarajevo, 30.10.2008. godine

Z A P I S N I K

54. sjednice Ustavnopravne komisije

Sjednica je održana 30. 10. 2008. , s početkom u 10 sati.

Sjednici su prisustvovali članovi Komisije: Šefik Džaferović, Velimir Jukić, Martin Raguž, Ekrem Ajanović, Lazar Prodanović, Drago Kalabić i Halid Genjac.

Osim članova Komisije, sjednici je prisustvovala i Medina Delalić iz Sektora za odnose s javnošću Parlamentarne skupštine BiH.

Sjednici su prisustvovali sekretar Komisije Igor Bajić i stručni saradnik u Komisiji Nedžad Salman.

Komisija je jednoglasno usvojila sljedeći

D N E V N I R E D

1. Usvajanje zapisnika 52. i 53. sjednice Komisije, održanih 17.10.2008. i 28.10.2008.;
2. Prijedlog zakona o izmjenama Zakona o krivičnom postupku BiH, predlagač: Ustavnopravna komisija Predstavničkog doma (**postupak u nadležnoj komisiji u skladu s članom 110. Poslovnika Doma**);
3. Prijedlog zakona o genetski modificiranim organizmima, predlagač: Vijeće ministara BiH, (**postupak u nadležnoj komisiji u skladu s članom 110. u vezi s članom 114. Poslovnika Doma**);
4. Prijedlog zakona o programu zaštite svjedoka u BiH, predlagač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
5. Prijedlog zakona o maloljetnim počiniocima krivičnih djela i krivičnopravnoj zaštiti djece i maloljetnika, predlagač: Vijeće ministara BiH (**usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma**);
6. **Ostala pitanja:**
 - Zahtjev za autentičnim tumačenjem člana 2. st. (1) i (6) Zakona o prekršajima ("Službeni glasnik BiH", br. 41/07), podnosilac zahtjeva: Uprava za indirektno oporezivanje BiH (**Razmatranje zahtjeva u skladu s članom 137.stav (4) Poslovnika Doma**);
 - Inicijativa poslanika Remzije Kadrića (**razmatranje inicijative u skladu s članom 41. stav (2) u vezi s članom 20.tačka e) Poslovnika Doma**);

Ad. 1. Usvajanje zapisnika 52. i 53. sjednice Komisije, održanih 17.10.2008. i 28.10.2008.

S obzirom da nije bilo rasprave, Komisija je jednoglasno usvojila zapisnike 52. i 53. sjednice Komisije, održanih 17.10.2008. i 28.10.2008.

Ad. 2. Prijedlog zakona o izmjenama Zakona o krivičnom postupku BiH, predlagač: Ustavnopravna komisija Predstavničkog doma (postupak u nadležnoj komisiji u skladu s članom 110. Poslovnika Doma)

Nakon rasprave, odlučeno je da:

- Ustavnopravna komisija, jednoglasno, prihvata tekst Prijedloga zakona o izmjenama i dopunama Zakona o krivičnom postupku BiH i predlaže Predstavničkom domu njegovo usvajanje;
- Za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje se predsjedavajući Komisije Šefik Džaferović.

Ad. 3. Prijedlog zakona o genetski modificiranim organizmima, predlagač: Vijeće ministara BiH (postupak u nadležnoj komisiji u skladu s članom 110. u vezi s članom 114. Poslovnika Doma)

Predsjedavajući je otvorio raspravu u kojoj su učestvovali: Ekrem Ajanović, Šefik Džaferović, Martin Raguč, Halid Genjac, Drago Kalabić, Lazar Prodanović i Velimir Jukić.

Nakon rasprave, Komisija je jednoglasno utvrdila da:

- održi javnu raspravu o Prijedlogu zakona o genetski modificiranim organizmima;
- će javna rasprava biti održana u utorak, 18. 11. 2008., s početkom u 10 sati u zgradi Parlamentarne skupštine BiH;
- će na raspravu biti pozvani: predstavnici državnih institucija, organa i organizacija, entitetskih, kantonalnih organa i organizacija, organa Brčko Distrikta BiH i vjerskih organizacija, prema dogovorenoj listi učesnika;
- putem medija obavijesti javnost da javnoj raspravi mogu prisustvovati i svi drugi zainteresirani pojedinci i organizacije koji imaju opravdan interes da učestvuju u raspravi o ovom značajnom prijedlogu zakona.

Ad. 4. Prijedlog zakona o programu zaštite svjedoka u BiH, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma)

Komisija, s dva glasa „za“, tri glasa „protiv“ i dva „suzdržana“ glasa, nije prihvatila amandman I. poslanika Milorada Živkovića.

Komisija, s dva glasa „za“, četiri glasa „protiv“ i jednim „suzdržanim“ glasom, nije prihvatila amandman II. poslanika Milorada Živkovića.

Komisija, s dva glasa „za“, četiri glasa „protiv“ i jednim „suzdržanim“ glasom, nije prihvatila amandman III. poslanika Milorada Živkovića.

Nakon rasprave, odlučeno je :

- Ustavnopravna komisija, s pet glasova „za“, dva glasa „protiv“ i bez „suzdržanih“ glasova, prihvata tekst Prijedloga zakona o programu zaštite svjedoka u BiH bez amandmana te predlaže Predstavničkom domu njegovo usvajanje;
- Za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje se predsjedavajući Komisije Šefik Džaferović.

Ad.5. Prijedlog zakona o maloljetnim počiniocima krivičnih djela i krivičnopravnoj zaštiti djece i maloljetnika, predlagач: Vijeće ministara BiH (usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma)

Komisija je nakon rasprave jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Komisija je jednoglasno prihvatila principe Prijedloga zakona.

Ad. 6. Ostala pitanja:

- **Zahtjev za autentičnim tumačenjem člana 2. st. (1) i (6) Zakona o prekršajima ("Službeni glasnik BiH", br. 41/07), podnosilac zahtjeva: Uprava za indirektno oporezivanje BiH, (razmatranje zahtjeva u skladu s članom 137.stav (4) Poslovnika Doma)**

Nakon rasprave, Komisija je jednoglasno utvrdila da je norma jasna i da nije potrebno provoditi daljnju proceduru autentičnog tumačenja.

- **Inicijativa poslanika Remzije Kadrića (razmatranje inicijative u skladu s članom 41. stav (2) u vezi s članom 20.tačka e) Poslovnika Doma)**

Predsjedavajući je otvorio raspravu u kojoj su učestvovali: Ekrem Ajanović, Šefik Džaferović, Martin Raguž, Halid Genjac, Drago Kalabić, Lazar Prodanović i Velimir Jukić.

Ustavnopravna komisija razmatrala je navedenu inicijativu i jednoglasno utvrdila da, shodno odredbi člana 8. Poslovnika Predstavničkog doma, poslanici imaju pravo da pokreću inicijative pred Predstavničkim domom, te da se Inicijativa prosljeđuje Predstavničkom domu.

S obzirom da nije bilo više pitanja, sjednica je završena u 12 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović